

中国边疆研究资料文库·边疆民族资料初编

西北及西南民族

中国边疆研究资料文库·边疆民族资料初编

西北及西南民族

新
知
舟
PDG

清·曹振鏞等撰


欽定平定回疆剿擒逆裔方略

卷首——六

清道光刻本

欽定平定回疆剿擒逆裔方略





平定回疆剿擒逆裔方略序

西域自

皇祖戡定以還土宇旼章久歸聲教

逆回張格爾以逋亡餘孽肇衅
窺邊殆非一日潛入卡倫疊行
糾煽厥辜自速既竄復來成擒

行陣之間生致闕廷之下由始
事以迄成功亦既於告成太學
碑文備臚本末矣茲廷臣纂輯
方略成書以弁首之詞為請乃
援筆而序之曰方道也略灋也
出謀發慮決策制勝明炳於幾

先智周乎萬里而總不離乎道
灋乃足以彰聲討而殄醜虜也
張逆游魂殘喘偷息荒陬逞其
譎謀併擾邊圉固

天道所不容王灋所不宥臨軒命將
絕域行師宵旰籌幾發蹤指授

撻伐伸乎遐裔謀漠運於廟堂
憂勤惕厲曷敢稍釋敬體欽崇
天道之心以行抱灋處勢之事戎臣
效命勁旅同仇狡兔脫而旋即
投羅狂兇奔而終於觸阱馳檻
車以俘獲正藁街之刑章視前

代檄諭擒獻招致受降相去遠
甚此中消息實有陰為之驅而
默為之相者朕仰承

昊佑寅紹

前模惟以守道執灋為兢兢是役之
歲國憲彰人心快而道灋顯著

於衆區是編之垂賞罰信逆順
明而道灋丕昭於矣禩從前

皇祖平定準噶爾方略成於庚寅之

歲迄今甲子一周而是編適成
續

武綏邊後先符合尤有不可思議者

豈徒摩崖劖石遠耀邊陲沃雪
澆螢全操勝算而已哉

道光十年歲次庚寅仲夏月吉

御筆

蘇子

解

死

恭

進平定回疆剿擒逆裔方略表

經筵曰講起居注官太傅 武英殿大學士稽察欽奉 上諭事件處

南書房行走 文淵閣領閣事管理工部事務翰林院掌院學士 上書房

行走 國史館正總裁 臣曹振鏞等誠歡誠忭稽首頓首

上言欽惟我

皇上

文治九功

武苞七德

啟龍韜而宰化軒皇之櫜鼓如新

揚虎準以宣威禹甸之金甌孔固顯哉

謨而承哉

烈繼序其皇又用明而民用章會歸有極執牛露犬爰

閭陳棗幣之圖鰈水鵜林韞譯驗駟車之製無

遠邇畢獻方物有血氣莫不

尊親蠶茲張格爾之元兇遠蹈霍集占之覆轍敢行
稱亂惟自速辜溯衛拉之初平正逆酋之始叛
困獸久羈於檻阱何有爪牙饑鷹甫脫於韝條
遽忘卵翼我

高宗純皇帝霆聲遠震遂歸貳負之餘骸我

仁宗睿皇帝風化遐孚暫貸鄭瞞之遺孽方謂苗之有

莠同鬯遂於甘雨和風豈期羆又生羆竟鉤扇
於窮荒絕徼借和卓以熒龔俗憑浩罕以熾狂
氛始猶晝伏夜行舞穴鼠潛窺之智繼乃怒飛
饑嘯逞城狐竊據之心狼煙寒葱嶺之烽紙鳶
信斷蟻族煽花門之種銀鵲聲囂困都護之孤
軍捧日之丹心自壯蹂躪師之四境膏原之碧
血俱殷鯨吞海及於莎車蠶食且延於溫宿自

謂磨牙之利難窮擢髮之辜

皇上默握璇樞遠頒金印上相叶師中之吉元戎參
閩外之謀

簡勁旅於三韓燕領悉封侯偉相

選雄材於八校虎賁爲典衛崇班捎雲麾大白之旗
直摩烏壘斫地拔流黃之劍共指龍堆徵兵者
三萬有奇以師畢會卜期於二月初吉我武維